



Inatsisartut Ilaqutariinnermut Ataatsimiitsitaliaat

UPA 2007/41-mik Ilaqutariinnermut Ataatsimiititaliap suliarinninna – Utoqqalinermi pensionisiat pillugit Inatsisartut peqqussutissaattut siunnersuut.

Ulloq/Dato: 11.04.2007
J.nr. 01.38

Ulloq 23. marts 2007 Ilaqutariinnermut Pisortaqaarfik allakkanik 22. marts 2007 ullulernerqarsimasunik Ilaqutariinnermut Ataatsimiitsitaliameersunik tigusaqarpoq, tassani Ilaqutariinnermut ataatsimiitsitaliap – utoqqalinermi pensionisiat pillugit Inatsisartut peqqussutissaattut siunnersuummut – UPA 2007/41-mut suliaqarnerminnut tunngatillugu, apeqqutit arlalissuit akineqarnissaat kissaatigisimallugu.

Postboks 260
3900 Nuuk
Oq/tel +299 34 50 00
Fax +299 32 45 47
ilapi@qh.gl
www.nanog.gl/ilapi

Apeqqu 1)

Ilaqutariinnermut Pisortaqaarfiup ilitersuutaani 2004-meersumi pisortanit pensionisiat akileraartussaataanerlu atuuttoq nalimmassaanerlu immikkoortoq 3.1.1-mi *isertitat nalimmassarneqarnerannut* tunngatillugu takussutissiaq.

Utoqqalinermi pensionisiat – UPA 2007/41 siunnersuummi aalajangersakkat atuutsinneqarnerat Immikkoortoq 3.1.1-mi takussutissiaq pillugu malinnaatitsissummik Ilaqutariinnermut Ataatsimiititaliap pissarsitinneqarnissani qinnutigissavaa.

Akissut 1)

Akileraarutissat suli peernagit isertitanut tunngatillugu, saniatigut isertitanut killigititaasoq siunnersuut malillugu killigititaasussaammat, maanna atuuttup assinganiq skiimalioqqinnissaq soqutiginaateqanngilaq.

Siunnersuut malillugu utoqqalinersiallip kisermaap utoqqalinersiaanik attuinngitsumik, akileraarutissat suli ilanngaatinagit 56.000 kr.-nit tikillugit ukiumut saniatigut isertitarisinnaassavai. Aappariillu ukiumut 84.000 kr.-nit nalimmassaavigineqanngitsumik saniatigut isertitarisinnaassallugit.

Apeqqu 2)

Akileraarutininik akiliinnginnermi akileereernerulluunniit kingorna pensionisiat nalimmassarneqarnerannut tunngatillugu isertitanut killissarititaasut aningaasat pineqarpat?

Akissut 2)

Akileraarutissat suli ilanngaatineqannginnerini isertitat matumani pineqarput.

Apeqqu 3)

Ilumoorpa siunnersuut siusinnerusukkut inatsisitigut inissisimaneq assigalugu attatiinnarneqartoq, matumani utoqqalinersiat annertussusaat akileraarutaasussanik isertitaqaraanni assersuutigalugu tjenestemandisut soraarnerussutisiaqarsimagaanni imaluunniit allatut soraarnerussutisiaqaraanni ikilineqartarlutik?

Apeqqutigineqartup akineqarnissaa Ilaqutariinnermut Ataatsimiititaliap qinnutigissavaa, taamaaliornikkut akissuteqaat pensionisianut allatut isikkulinnut pingaaruteqartussaammat.

Akissut 3)

Ilumoorpoq, utoqqalinersiat saniatigut isertitat akileraarutaasussat allat killissamik aalajangersimasumik qaangiinerat najoqqutaralugu utoqqalinersiat nalimmassaavigineqartartussaammata. Utoqqalinersiallit kisermaat 56.000 kr.-nik, aappariillu tamarmik utoqqalinersiaqarsimappata, 84.000 kr.-nik utoqqalinersiamik saniatigut akileraaruteqaataasussanik isertitaqaleraangata, utoqqalinersiaasa nalimmassaavigineqarlertarnissaat peqqussutissatut siunnersuummi siunnerfiummat.

Kalaallit Nunaanni akileraartarneq pillugu inatsimmi allatut oqaatineqarsimanngippat, isertitat suulluunniit tamarmik akileraaruteqaataasussanut ilanngunneqartussaasut tunngaviumik oqaatineqarsinnaavoq. Ilaqutariinnermut ataatsimiitsititaliap apeqqutaa tunngavigalugu ilisimatitsissutigineqassaaq:

Tjenestemandit pensionisiaat

Inuutissarsiortut pensionisiaat (ass. DJØF-mi ilaasortat pensionisiassaat)

Sulisitsisut aqqutigalugit imaluunniit inuit nammineq utoqqalinersiassamittut

katersaasimanagerat apeqqutaatinnagu utoqqalinersiassatut katersat (ratepension)

Sulisitsisut aqqutigalugit imaluunniit inuup nammineq sillimmasiisarfitsigoortumik

katersai.

Isertitanut akileraarutaasussanut ilaapput. Aammattaaq makkua ilaapput:

Isertitat akissarsiat

Inuussutissarsiummik ingerlatsinikkut isertitat (ass. Piniarnikkut aalisarnikkullu

isertitat)

Aningaaserivimmi uninngasuutit erniaannit isertitat

Obligationiutit erniaannit isertitat

Qallunaat Nunaanni nunanilu allani aktiaatinit iluanaarutit

Apeqqu 4)

Siunissami innuttaasut ataasiakkaat pensionisiaqalernissaminnut aningaasaqarniarnikkut annertunerusumik sillimasinnaaqqullugit suliniutinik sunik Naalakkersuisut sulissuteqalersaarpat?

Akissut 4)

Utoqqalinersiat aqqissuunneqarnerat pillugu siusinnerusukku Naalakkersuisunit oqallisigineqarneranni oqaatigineqarnikuvoq, inuit namminneq 'privatimik' utoqqalinersiassaminnik katersisarnerat tassaasoq tunngavissat pingaarutillit ilaat, inuit ataasiakkaat toqqissisimanartumik utoqqalisinnaanissaannut qularnaarinneqataasussa. Aammattaarlumi tamanna ataatsimut isigalugu oqaatigissagaanni, ukiuni kingullerni namminersortut pisortallu akornanni isumaqatigiissutaasarsimasuni tamarluinnangajanni, inuit namminneq inuutissarsionertik aqqutigalugu utoqqalinersiassaminnik katersinerannut annertusigaluttuinnartumik qularnanngitsumillu ukiuni aggersuni annertusigaluttuinnartussaasumik, sulisitsisunit sulisartuniillu isumaqatigiissutitut anguneqarluni pilliuteqarfigineqartalerpoq.

Taamaalilluni ullumikkut Kalaallit Nunaanni akileraartarneq pillugu inatsit aqqutigalugu katersinissamut kajumilersitsiniutaasunik peqarpoq, sulitsisut akiligaannik akiliuteqartarnerit aqqutigalugit utoqqalinissamut aningaasanik katersilluni sipaagaqarsinnaanissamut kajumilersitsisinnaasunik, isertitanut akileraarutaasussanut ilanngullugit nalunaarsorneqartussaanningsunik, aamma utoqqalinersiassanik katersilluni akiliutit aamma utoqqalinersiassat sivikinnerpaamik ukiuni qulini ingerlaavartumik akissarsiatigut akilersugassat, isertitanit akileraarutaasussaniit ilanngaatigineqartarnissaat. Kiisalu utoqqalinersiassatut katersat taakkua erniaat utoqqalinersialimmut akiliutigineqartalerpata aatsaat akileraaruserneqartassapput.

Naalakkersuisut suli imatut isumaqarput, inuutissarsionermermi akissarsiat aqqutigalugit utoqqalinerisiassatut katersat siunissami utoqqalinersiaqalerumaartussat aningaasaqarniarnerannut pingaaruteqaleralluttuinnartussaasut, taamaattumillu siunissami isumaqatigiinniartarnissani sulisartut sulisitsisullu utoqqalinersiassanut pilliuteqarnerusalernissaat, Naalakkersuisut siunertaraat.

Akiliutigineqartartussap qanorpiaq angitiginissaaanut tunngatillugu inuutissarsionerup iluani illuatungeriit akornanni isumaqatigiissutaasoq apeqqutaasassaaq, kisiannili utoqqalinersiassatut katersatut akiliutigineqartartussaq ukiumut akissarsiat 10 aamma 15 % akornanni annertussuseqarnissaat anguniarneqartariaqartoq, Naalakkersuisut isumaat malillugu anguniagassaavoq piviusorsioritoq.

Naggataatungaatigut paasissutissatut oqaatigineqarsinnaavoq, Allaffimmiut Pisinniarfimiullu/SIK-mut ilaasortat utoqqalinersiassamittut akiliutigisartagaat maannakkorpiaq katillugu 7,23 %-ummat, taakkualu aggornerisa 2/3-at

sulisitsisunit akilerneqartarmat aggornerullu taassuma 1/3-ia sulisartumit akilerneqartarluni.

Apeqqu 5)

Ilumoorpa siunnersuummi aalajangiusimaneqarmat utoqqalinermi pensionisiaqalernissamut piginnaatitaaffeqarneq (pensionisiat annertussusaat kap 3-mi) pensionisiallit katersaannut sunniuteqarnavianngitsoq?

Akissut 5)

Aningaasarpassuarnik katersaqarsimasinnaaneq akiliutissat annertussusissaannik tunngaviliiniarluni naatsorsuinermit sunniuteqassanngilaq.

Tamatumali akerlianik aningaasarpassuarnik katersaqarsimasinnaaneq ugguaa pingaaruteqalersinnaavoq, inummut tapinik utoqqalinersialimmu pisartagaqartitsiniarluni nalilersuinermit sunniuteqalersinnaammat.

Apeqqu 6)

Taamaattoqarsimassappat ilutsimi tassani agguaasseriaseq sorleq pitsaanerunersoq Naalackersuisunit isumaqarfigineqarpa?

Akissut 6)

Naalackersuisut isumaqarput, nunami maani utoqqalinersialinnut atugassarititaasunik nalinginnaasumik pitsanngorsaatissat ilusissaattut siunnersuutigineqartup saniatigut, utoqqalinersiallit aningaasatigut atugarliornerpaat immikkut pingaartillugit isiginiarneqarnissaat pingaartinneqartariaqartoq, tamannalumi aamma nunami maani innuttaasut naligimmik pineqarlutillu naligimmik atugassaqartitaanissaat pillugu naalackersuisut kissaataannut naleqqulluinnartuuvoq..

Apeqqu 7)

Siunnersuut ilusimisut iluseqartoq akuersissutigineqassappat siunnersuullu ilusimisut iluseqartup akuersissutigineqarneratigut kommunit ilaanni pensionisiallit atugaasa ajorseriaateqarnerannik kinguneqassappat pensionisiallit sorliit kommunimiit kommunimut malunnaatilimmik pitsanngoriaat eqarnissaat qulaajarneqassasoq Ilaqutariinnermut ataatsimiititaliap qinnutigissavaa.

Akissut 7)

Siunnersuutip kingorna inummut tapi ingerlaavartumik tunniunneqartarunnaassaaq. Taakkua taamaallaat akiligassanut ataasiakkaanut tunniunneqartassapput.

Apeqqu akiumallugu Ilaqutariinnermut Pisortaqarfiup kommunit tamaasa allaffigisimavai qinnuigaluigillu kommuniminni utoqqalinersiaqartut kisermaat qassit, qaammammut 1000 koruunit sinnerlugit inummut tapinik tunineqartarnersut, kiisalu utoqqalinersiallit aappariit qassit, qaammammut 800 koruunit sinnerlugit inummut tapinik tunineqartarnersut pillugit paasissutissanik Pisortaqarfimmu nalunaaruteqaqqullugit.

Tamannalu patsiseqarpoq, qaammammut utoqqalinersiat tunniunneqartartut, utoqqalinersiutinik tamakkiisumik utoqqalinersiuteqartumut kisermaamut 1000 koruunit missaannik qaffanneqartussaammata, kiisalu utoqqalinersiuteqartunut aappariinnut 800 koruunit missaanni qaffariartussaallutik (tamarmik akileraarutit ilanngaatigereerneratigut).

Tassa imaappoq, utoqqalinersiuteqartut kisermaat ullumikkut qaammammut 1000 koruunit sinnerlugit ingerlaavartumik inummut tapinik tunineqartartut, isertitamik appariarsinnaaneraniq eqqorneqarsinnaassapput.

Taamatutaaq utoqqalinersiuteqartut aappariit, ullumikkut qaammammut 800 koruunit sinnerlugit ingerlaavartumik inummut tapinik tunineqartartut, isertitamik appariarnera misigissavaat.

Ilaqutariinnermut Pisortaqarfiup paasissutissat pissarsiarisaat skemanngorlugit (ilangussami 1-imi) takussutissiarivai.

Ilangussami 1-imi takuneqarsinnaasutut, kommunini tamani utoqqalinersiuteqartut isertitamik appariaateqarnissaat misigissavaat.

Kommunit 9 akissuteqarsimapput. Kommunini 8-ni ataatsimut katillugit utoqqalinersiuteqartut kisermaat aammalu aappariit utoqqalinersiuteqartut, qaammammut 1000 koruunit aamma 800 koruunit sinnerlugit ingerlaavartumik inummut tapinik tunineqartartut 389-iupput. Taakku siunnersuutip kingorna isertitamik appariarnera misigissavaat.

Kisitsilli aammattaaq mianersorfissaqarput, tassami siunnersuutip kingunerinaviangimmagu utoqqalinersiuteqartut taakku inummut tapimik tunineqarnissamut mattunneqassangimmata. Taamaallaali ingerlaavartumik tapimik tunineqartarunnaassapput, kommunip aningaasanik tigummiassanik killigititaa tunngavigalugu. Inummut tapimik tunineqarnissamut periarfissaqartussaapput, aningaasartuutitut siunnersuummi § 14-imi taakkartorneqarsimasuni.

Qulakkeerlugu oqaatigineqarsinnaangilaq isertitamik appariaateqarnerannik misigisaqarnissaat.

Skemami takuneqarsinnaasututaaq, kommunini utoqqalinersiuteqartut aningaasatigut tigusartakkat qaffariaateqarnerannik misigisaqassapput, saniatigut isertitanut aamma "aapparisaq pensionisiaanut" killigititap qaffariarnerata kinguneraniq. Taamaalillu utoqqaat 33-it utoqqalinermi pensionisiaanik pisinnaalissapput. Utoqqalinersiuteqartut kisermaat 64-it "aapparisaq pensionisiaa" pillugu killigititaasup 20 %-imiit 50%-imut qaffannerata kinguneraniq pitsanngoriaammik misigisaqassapput.

Apeqqu 8)

Tamatuma saniatigut utoqqalinermit pensionisialinnut aningaasanik atoriaannarnik atuisinnaanerit kommunit aalajangersaasinnaatitaanerit siunnersuutip akuersissutigineqarneratigut mattunneqassappat?

Akissut 8)

Aap, siunnersuut malillugu aningaasanik piareersimasuutitanik atuisinnaanissaq kommuninut periarfissaqassanngilaq. Tassunga tunngatillugu aammattaaq ilisimatitsissutigineqassaaq, Inatsisartut Ombudsmandiata tikkuaaffiginikummagu, aningaasanik piareersimasuutitanik (rådhedsbeløb) aalajangersimasunik atuineq, inatsisinut atuuttunut akerliummat, pissutigalugu inuit ataasiakkaat pisariaqartitaannik nalilersuinissamut inatsisit malillugit kommuni pisussaataammat.

Apeqqu 9)

Inummut tapinik tunniussinermit utoqqalinersiallit illoqatigisai ataatsimut aningaasaqarnerat nalilerneqartassappat, imaluunniit utoqqalinersialinnut ataasiakkaanut taamaallaat naliliisoqartassava? Assersuutigalugu pensionisialik nalunaaquttap akunnermusialimmik ataavartumik imigassamik ajornartorsiutilimmik ataatsimoorlutik aningaasaqarlutik utoqqalinersiallip pensioniinik ilanngarteringaatsiartumik najugaqateqarsimasinnaavoq. Utoqqalinersialik alla immaqa pensionisiami aqunnissaat ajornakusoortilaarpaa, soraarnerussutisiallilli inooqataa pisoorsuusoq ilisimaneqaraluarluni inooqatini isarussanilluunniit ajaappissanillu pitsinnissaanut erliguukkaa.

Akissut 9)

Siunnersuut malillugu aappariit pineqarpata (§ 4), inummut tapinik utoqqalinersiallit tunineqarsinnaassappata, aappariit taakkua ataatsimut isertitaat, nalilersuinermit tunngavigineqartussaassapput.

Apeqqu 10)

Soraarnerussutisiallip aningaasaateqarnera imaluunniit assersuutigalugu inigisamini aningaasartuuteqarfioqisumi najugalimmut imaluunniit soraarnerussutisialimmut aalajangersimasunik annertuunik aningaasartuutilimmut inummut tapinik tunniussinissamik kommunip itigartitsinnaatitaanera attatiinnerneqassava?

Akissut 10)

Siunnersuut naapertorlugu, utoqqalinersiallip aningaasarpassuarnik katersaatersaateqarnera (formue) innersuussutigalugu, inummut tapinik qinnuteqartoq itigartinneqarsinnaavoq.

Aammattaaq siunnersuut naapertorlugu inummut tapinik pisinnaanissamut, utoqqalinersiallip aningaasartuutiminik illersorneqarsinnaasumik atuisuunissaat piunasaqaataavoq, tamanna nalinginnaasumik imatut paasisariaqarpoq, utoqqalinersiallip isertitani sinnerlugit, akilersorsinnaanngisaminik akilersugassarsisannnginnissaa piunasaqaataammat.

Inigisanut akisuunut tunngatillugu, akiligassanut aalajangersimasunut taakkununga tapiisoqartarsinnaavoq. Kisiannili siunnersuut naapertorlugu, kommunip tapiinissaminut tunngatillugu piumasarisinnaatitaavaa, inissamik akikinnerusumik utoqqalinersiallip ujaasissunneqarnissaminut akuersaassasoq, imaappoq kommuni inissiamik akikinnermik taamaattumik nassaarsinnaagaangat.

Apeqqu 11)

Utoqqalinersialik peqqissutsiminut pisariaqartitaasa kingunerisaanik annertuumik aningaasartuuteqartillugu inummut tapinik pissarsitinneqarsinnaasoq siunnersuummi § 14, imm. 1-imi naqinneq 1-p ataani erseqqissarneqarpoq. sukkorermik, immikkut nerisaqarnissamik pisariaqartitsisunut, sapigaqartut assigisaanulluunniit nerisaannut inummut tapisiaqaataassappat suullu najoqqutarineqassappat?

Akissut 11)

Aap. Siunnersuut naapertorlugu, peqqiilliorneq tunngavigalugu pisariaqartitsilernerimi aningaasartuutitut inummut tapiisoqarsinnaavoq, tamanna aammattaaq immikkut ittumik nerisassanut aningaasartuutigilikkanut tunngavoq. Tamatumunngali tunngatillugu nakorsap uppernasaasiisarnissaa piumasaqaataassaaq.

Apeqqu 12)

Isarusanik ikiutinillu inummut tapinik pissarsititsisoqarsinnaasoq siunnersuummi § 14, 1-imi naqinneq 2-p ataani erseqqissarneqarpoq. Ikiutit sorliit aalajangersakkami eqqartorneqarnersut erseqqissarneqarsinnaappat assersuusiorfigineqarsinnaappallu.

Akissut 12)

Soorlu siunnersuummut oqaaseqaatini takuneqarsinnaasoq, oqaaseq "atortorissaarut" isumaqartinneqartassaaq, atortoq sunaluunniit "illumi atortutut" nalinginnaasutut atortorineqanngitsoq. Taamaalilluni oqariartaaseq taanna uffarfimmi matup tigummivianiit issiavimmut assakaasulimmut (kørestol) isumaqartinneqartarsinnaavoq. Aammattaaq inigisap immikkut ittumik ilusilersorneqartarnissaanut ikiorsiisoqartarsinnaavoq, assersuutigalugu matserfiup peerneqarnera tassunga ilanngunneqarsinnaavoq.

Apeqqu 13)

Aalajangersakkami § 14, imm. 1-imi aamma 2-mi nunatsinnilu peqqinnissaqarfiit akornanni sullissinerit, inunnullu annertuumik innarluutilinnut ikiorsiissutitut malittarisassat ersarilluinnartumik qanoq immikkoortinneqarnissaat ingerlanniarneqarpat?

Akissut 13)

Inuit immikkut ittumik annertuumik innarluutillit ikiorserneqartarnissaat pillugu inatsisinut tunngatillugu, taakkua inunnullu 63-it sinnerlugit ukiulinnut atuuttassanngillat. Inatsisit taakkua eqqarsaatigalugit taamaalilluni inatsisitigut qaleriittorermik pisoqassanngilaq. Taamaattorli taaneqartariaqarpoq, inunnullu

immikkut ittumik annertuumik innarluutillit ikiorserneqartarnissaat pillugu inatsisit allanngortinneqartussaammata, taamaalilluni inatsisit taakkua utoqqalinersianik pisartagaqalertarnermut killigitaasunik qaffaanermut naleqqussarneqassallutik. Tassa imaappoq, 1. januari 2010 aallarnerfigalugu inuit 65 –nik ukiullit qummut killigalugit, inatsisit atuuttut atuutilissapput.

Apeqqu 14)

Inummut tapinik inuuneq annaanniarlugu ikiorsiisoqarsinnaasoq siunnersuummi § 14, imm. 1 naqinneq 3-p ataani erseqqissarneqarpoq. Ullormiit ullormut inuuneq annaanniarlugu ikiorsiissutit nerisassanut atugassat aningaasartaat qanoq annertussusilerneqalersaarpat?

Akissut 14)

Nerisassanut "inuuneq annaanniarlugu ikiorsiissutit" pisortanit ikiorsiissutit pillugit aalajangersagaq malillugu aningaasartassai qaffasissusilerneqassapput.

Apeqqu 15)

Siunnersuummi § 14, imm. 3-mi inuuneq annaanniarlugu ikiorsiissutit nerisassaannanut attuumassuteqartinneqarpa?

Apeqqu 16)

Inuuneq annaanniarlugu ikiorsiissutit Naalakkersuisut ersarilluinnartumik qanoq paasisarpaat, utoqqalinersialimmullu ikiorsiissutinik malittarisassanut atuuttunut allanut tunngavissaqartumik ikiorsiinissaq periarfissaqarpa?

Apeqqu 17)

Pineqartoq aningaasaqarnikkut ajornartoorluinnartillugu, § 14 malillugu utoqqalinersialik, illuutilik illumilluunniit attartortoq imaluunniit inissiami najugalik, najugaqarnermut, imermut kiassarnermullu, uuliamut (kiassanermut ikiutinik) eqqaanermut, nutaamik nillartaartitsivittaarnermut, igalaanik, matunik assigisaanillu aserortoqarsimatillugu tapiissutisisinnaava?

Apeqqu 19)

Taamaattoqarsimassappat utoqqalinersiallip aningaasatigut inissisimanagera pitsaanngitsup namminerisaminik inissiamik pigisaqartup, aningaaserivinni attartorsinnaanngitsup, imermut aqquutinik qaartoortoqarsimappat assigisaanilluunniit annertuumik ajutoortoqarsimatillugu iluarsaatsinnissaannut qanoq ililluni aningaasalersorsinnaassagamigit?

Akissutit 15, 16, 17 aamma 19)

Naamik "inuuneq annaanniarlugu ikiorsiissutit" nerisassaannanut tunnganatik allanut aamma tunngasutut paasineqassaaq.

Aalajangersakkami aamma siunertarineqarpoq, tunngaviusumik ulluinnarni pisariaqartitanut aamma tapiissutaassasut. Tassa imaappoq pingaarnerpaamik nerisassanut, atisanut assingisaannullu. Taassuma saniatigut aamma assersuutigalugu oliemut (kiassarnermut aningaasartuutitut) iluarsaanernullu

pisariaqartinneqartunut tapiissutisisoqarsinnaavoq. Iluarsaanermut tunngatillugu piumasarineqassaaq, utoqqalinersiaqartup iluarsaassinermut aningaasartuutit allatigut aningaasaliissutissarsiorsimassagai, soorlu illu sillimmasiullugu taarsigassarsiinikkut, imaluunniit iluarsaassisumut akilersuinikkut. Taamaattorli nammineq najugarisap qanoq ilinikkulluunniit nutartertariaqalerneragut aningaasartuuteqartariaqartarnissaq utoqqalinersiaqartup naatsorsuutigereersimasariaqartartussaavaa, taamaattumillu aningaasartuutissanut sapinngisamik taama ittunut piareersimareertarsimasarnissaat naatsorsuutigisariaqarluni.

Najukkamut tapiissutisisoqarsinnaanngilaq. Utoqqalinersiaqartup nammineq akisuumik najugaqarnini toqqagarivaa, taamaattumillu "anigaasat atorsinnaasa" aningaasartuutissanut allanut sunniuteqassallutik. Utoqqalinersiaqartup najukkaminut akiliutaa ima qaffasitsigippat, allaat pisariaqartitanut allanut nalinginnaasunut akissaqarani, taava taakkununga tapiissutisisinnaavoq, qulaanili oqaatigineqareersutut kommunip utoqqalinersiaqartoq najukkamut allanut akikinnerusumut (naleqquttumut) nooqqullugu, kommunip taama ittumik neqeroorfigisinnaaguniuk, neqeroorfigisinnaavaa.

Tassungali aamma tunngatillugu oqaatigineqassaaq, inummut tapi tunniunneqartoq, taakku aningaasatigut nammineq aqutsinnaannginneq pissutigalugu tunniunneqarsimappata, soorlu aamma utoqqalinersiaqartup aningaasartuutini sapinngisamik nammineerluni appasinneruniartissimanngippagit, uterteqqeqquneqarsinnaavoq.

Utoqqalinersiaqartoq inuuneq annaanniarlugu, aalajangersakkat allat tunngavigalugit, ikiorsiissutinik tunineqarnissamut periarfissaqassanngilaq, pisortanit ikiorsiissutisinissamut sulilernissamut pisareersimassussaatitaanissaq piunasaqaataammat.

Apeqqut 18)

Qulaani assersuutitut taaneqartunut atatillugu innuttaasut allat qanoq aningaasanik taperneqartarnerat isikkoqarpa?

Apeqqut 20)

Qulaani assersuutitut taaneqartunut atatillugu innuttaasut allat qanoq aningaasanik taperneqartarnerat isikkoqarpa?

Akissutit 18 aamma 20)

Innuttaasut allat pisortanit ikiorsiissutisinissamut aalajangersakkat malillugit, peqqussummi maleruaqqusat naammassisimagunikkut tapinik tunineqarsinnaapput.

Apeqqut 21)

Pensionisialik paaqqutarineqartarfimmi utoqqaalluunniit illuini najugalik § 14 malillugu tapinik pissarsinnaava?

Akissut 21)

Utoqqalinersiaqartut paaqqutarineqartarfimmi imaluunniit utoqqaat illuini najugalik, aalajangersakkat malillugit utoqqalinersiaqartut allat assingalugit inummut tapinik tunineqarsinnaapput.

Apeqquut 22)

Ineqarnermut tapiissutinik isumaginninnikkulluunniit ikiorsiissutinik allanik pissarsitineqarsinnaanermut soraarnerussutisiaqarneq pillugu siunnersuut utoqqalinersialimmut ataatsimut isigalugu qanoq kinguneqassava?

Akissut 22)

Tunngaviusumik aningaasarsiasat qaffasinneruneri ima kinguneqassaaq, utoqqalinersiaqartup qaffasinnerusumik akileraarusigassanik isertitaqarnissaa.

Isumaginninnikkut tunniussassat ilaat akileraarusigassatut isertitat tunngavigalugit naatsorsorneqartarput.

Tamanna ima isumaqarpoq, isertitat qaffasinneri tunngavigalugit, isumaginninnikkut tunniussassat ilaannik utoqqalinersiaqartup annaasaqarsinnaanera, kisianni tamanna ataatsimoortutut oqaatiginissaa ajornakusoorpoq, inuit ataasiakkaat atugaat immikkut apeqqutaasarmata.

Assersuutigalugu utoqqalinersialik kisermaaqq saniatigut allamik isertitaqanngitsoq meeraqanngitsorlu, siunnersuutip kingorna ineqarnermut akiliutip 42 %-ia akilersinnaalissavaa ullumikkumut sanilliullugu 26 %-ia akilersinnaagaa. Tassa imaappoq, utoqqalinersialik assersuutigalugu qaammammut ineqarnermut akiliutaa 3000 koruuniuppat, taava utoqqalinersiallip qaammammut 450 koruunit annaasassavai.

Apeqquut 23)

Ullumikkut kommuninut ataatsimoortumik tapiissutit aqutugalugit kommunit utoqqalinersialinnut inummut tapinik pissarsisarpap? taamaattoqarsimassappat aningaasat suut pineqarnerisut ataatsimoortumillu tapiissutinut isumaqatigiissusiornermi suut ilimagineqarsimanersut nassuiaatigineqarnissaat kissaatigineqarpoq.

Akissut 23)

Naalakkersuisut ilaqutariinermut ataatsimiititaliaq ilisimatissinnaavaa, inatsisartut pisortanit pensionisiat pillugit peqqussutaat nr. 9, 15. april 2003-meersumi, § 14 tunngavigalugu kommunit inummut tapinik tunniussisarmata.

Namminersorerullutik Oqartussat ataatsimoortumik tapiissutinik kommuninut tunniussisarpoq, agguaasseriaaserlu malillugu, KANUKOKA
Namminersorerullutillu Oqartussat isumaqatigiissutaat malillugu, kommuninut agguaanneqartarput.

Maannakkut ataatsimoortumik tapiissutinik agguaaassinermi periuseq atorneqartooq tapiissutit 5-inik assingiinngitsunik immikkoortortaarpoq: isumaginninnermut tapiissutit, ilinniartitaanermut tapiissutit, immikkoortunut sinneruttunut tapiissutit, tunngaviusumik tapiissutit aamma aqqissuussinermut tapiissutit.

Tapiissutit taakku tallimat, agguaqatigiisitsinerit malillugit nalilersuinikkullu, kommunit akiligassatigut pisariaqartitaat tunngavigalugit immikkoortiterneqartarput. Assersuutigalugu kommunini ataasiakkaani innuttaasut utoqqaassusaasa agguaqatigiinnerat inuiaqatigiillu aqqissuussaananerit innuttallu annertussusaat assigiinngillat. Kommuninut tapiissutinik agguaaassineq tapiissutit ataatsimut annertussusaat tunngavigineqaratik kommunini agguaqatigiisitsinerit kisimik apeqqutaapput.

Kommuninut ataasiakkaannut tapiissutit ataatsimoortumik tunniunneqartarput. Tapiissutit qaammatit tamaasa 1/12-mut agguarlugit tunniunneqartarput.

Kommunit maleruaqqusat atuuttut malillugit suliassaarput, kisianni tapiissutini ataatsimoortuni toqqaannartumik siunertamut aalajangersimasumut "atortussanngortitsisoqarneq" ajorpoq. Kommunit utoqqalinersialinnut inummut tapinut tapiissutinut toqqaannartumik atortussanngortinneqarsimasunik tunineqarneq ajorputtaaq.

Apeqput 24)

Ataatsimoortumik tapiissutit pillugit KANUKOKA-mik kingullertigut isumaqatigiissut tunngavigalugu nunatta karsiata kommuninut katillugit ataatsimoortumik tapiissutaasa katitigaaneranut takussutissiaq skema kissaatigineqarpoq. Nalunaarsuummi sapinggisamik annertunerpaamik kingumoortumik nalimmassaanerit ataasiakkaat annertuseriaataat annikilleriaataallu takuneqarsinnaasariaarput.

Akissut 24)

Soorlu apeqput 23-mi akineqareersoq, tapiissutit (bloktilskud) kommuninut oqartussaaffigineqartussaapput. Tapiissutit taakkua qaammatit tamaasa ataasiakkaarlugit 1/12 aallaavigalugu kommuninut ataasiakkaannut Namminersornerullutik Oqartussanit akilutigineqqarlutik tapiissutigineqartartussaapput. Aningaasanik taakkunannga atuineq kommunip allaffissornikkut ingerlatsineranut ilanngullutik, kommuninut aalajangersorneqarlutik ingerlanneqartartussaapput.

Tamatuma skii mangorlugu takussutissiarineqarsinnaanera ajornarpoq, kommunit ataasiakkaat aningaasartuutissamittut missingisersuusiorsimasaat sorliit, qummut-amulluunniit nalimmassaavigineqarsimanersut takussutissinneqarsinnaanngimata. Kommunimmi taakkuupput, taakkunannga nalimmassaasuussat, taamaattumillu nalimmassaanerit taakkua kommunit ataasiakkaat naatsorsuutaanni taamaallaat takuneqarsinnaassallutik.

Kommunit missingersuutiminnik nalimmassaanerminnut tunngavigisaasa nassuiaataat, kommuninut tapiissutit allangortinneqarnerinut toqqaannartumik tunngavigineqarsinnaaqqajarnaviangillat. Kommunimmi kommuninut tapiissutit saniatigut aammattaaq allanik isertitaqartarput. Ullumikkut kommunit isertitaasa amerlanerpaartaat akileraarutitigut isertinneqartarput. Kommunit aningaasartuutissamittut missingersersuutiminnik allannguiniarsinnaanerat, kommunalbestyrelsimi politikikkut pingaarnersiuneq tunngavigalugu aalajangersarneqarluni ingerlanneqatarpoq.

Matuma ataani skiimani takuneqarsinnaapput, 2003-miit 2007-mut ukiuni aningaasaliiffiusuni kommuninut tapiissutit katillutik annertussusaat. Tapiissutit allassimanerat skiimami titarnermi siullermi takuneqarsinnaapput erseqqissarneqassaarlu aningaasat annertussusaat missingersersuutaannaagallarmata.

Skiimani ataasiakkaani tamani takuneqarsinnaapput, tapiissutit ataasiakkaat allannguiffiusimasut katinnerat. Taamaalilluni skiimani taamaallaat tapiissutit allannguiffiusimasut kisimik katinneri takuneqarsinnaapput – ukiuni aningaasaliiffiusuni ataasiakkaani tapiissutit kommuninut ataasiakkaanit qanoq atorneqarsimaneri takuneqarsinnaanatik.

Aningaasanut inatsit ukiumoortoq aqutigalugu kommuninut tapiissutissat inatsisartunit akuersissutigineqartarput. Tapiissutit annertussusilerneqartarnerat KANUKOKA-p aamma Kalaallit Nunaanni Namminersornerullutik Oqartussat akornanni isumaqatigiinniarnikkut pisarput aamma Namminersornerullutik Oqartussat kommunillu akornanni aningaasartuutissanik suliassanillu agguataarnermi arlaannaanataluunniit missingerserssuutitigut aningaasartuuteqarnerulinnginnissaa anguniarneqartarluni. Tassa imaappoq, aningaasartuutissanik suliassanillu agguassinermi, suliassanik nussisoqaraangat aningaasartuutitassa at ilanngullugit, suliassanik nuussinermi nuunneqarnissaat qularnaarniarneqartarput.

2002-miit 2003-mut tapiissutit

	2003	2004	2005	2006
2001 isumaqatigiissutit aallaavigalugit tapissutit	706.815.000	706.815.000	706.815.000	706.815.000
Allannguutit	2003	2004	2005	2006
P/L nalimmassaatit	23.140.000	23.140.000	23.140.000	23.140.000
Kangerlussuaq *	(2.300.000)	(2.300.000)	(2.300.000)	(2.300.000)
Atuarfimmi akuunerulersitsiniarneq – siu. Iluar.	1.369.000	2.738.000	4.107.000	4.906.000
Siusinaartumik pensionisiat	4.004.000	4.004.000	4.004.000	4.004.000
Meeqqat inuusuttullu atugaat pillugit peqqussut	7.927.000	7.927.000	7.927.000	7.927.000
Ineqarnermut tapiissutinik ingerlatsineq	300.000			
B&U Ulloq unnuarlu angerlarsimaffiit	(7.725.000)	(7.725.000)	(7.725.000)	(7.725.000)
Atuarfitsialak	2.876.000	7.483.000	7.270.000	7.817.000
Allannguutit katinnerat	29.591.000	35.267.000	36.423.000	37.769.000
Komuninut tapiissutit nutartikkat	736.406.000	742.082.000	743.238.000	744.584.000

2003-miit 2004-mut tapiissutit

	2004	2005	2006	2007
2003 isumaqatigiissutit aallaavigalugit tapissutit	736.407.000	736.407.000	736.407.000	736.407.000
Allannguutit	2004	2005	2006	2007
P/L nalimmassaatit	15.288.000	15.288.000	15.288.000	15.288.000
SIK akissarsiat qaffaataat	1.963.000	3.392.000	3.392.000	3.392.000
Atuarfimmi akuunerulersitsiniarneq – siu. Iluar.	1.436.000	2.872.000	3.671.000	3.671.000
Meeqqanut inuusuttunullu ikiorsiissutit	7.927.000	7.927.000	7.927.000	7.927.000
Sulinngiffeqarnermi aningaasarsiat	2.063.000	2.063.000	2.063.000	2.063.000
Siusinaartumik pensionisiat	11.435.000	15.121.000	20.988.000	26.561.000
Ingerlatseqatigiiffiit akileraarutissaat	(5.000.000)	(10.000.000)	(10.000.000)	(10.000.000)
Ineqarnermut tapiissutit	(10.000.000)	(10.000.000)	(10.000.000)	(10.000.000)
Ineqarneq pillugu isumaqatigiissut	8.000.000	8.000.000	8.000.000	8.000.000
Atuarfinnik iluarsartuussineq	(9.000.000)	(9.000.000)	(9.000.000)	(9.000.000)
Atuarfiit siulersuisui	76.000	76.000	76.000	76.000
Atuarfitsialak	4.533.000	4.959.000	4.320.000	4.867.000
Allannguutit katinnerat	28.721.000	30.698.000	36.725.000	42.845.000
Komuninut tapiissutit nutartikkat	765.128.000	767.105.000	773.132.000	779.252.000

Ilangussaq 1. Ukioq missingersersuusiorfik 2005 kommuninut tapiissutit pillugit isumaqatigiissutit ilaat

	Isumaqatigii			
	2005	2006	2007	2008
2004 isumaqatigiissutit aallaavigalugit tapiissutit	780.365.000	780,4	780,4	780,4
1. P/L nalimmassaatit	20.645.000	20,6	20,6	20,6
2.1 Siusinaarluni pensionisiat	3.686.000	9,6	15,1	21,0
4. Ingerlatseqatigiiffiit akileraarutaat	-5.000.000	-5,0	-5,0	-5,0
5. Atuarfimmi akuunerulersitsiniarneq – siu. Iluar.	1.436.000	2,3	2,3	2,3
6. Atuarfitsialak	426.000	-0,2	0,3	-6,3
7.1 Meeqqanut inuusuttunullu missingersersuutit nutaat	-13.121.000	-13,1	-13,1	-13,1
7.3 Meeqqat inuusuttullu (2003) Ulloq unnuarlu angerlarsimaffiit	-4.155.000	0,0	0,0	0,0
9. Immikkut ittumik annertusisamik atuartitsineq	1.780.000	0,0	0,0	0,0
10.2 Anartarfiit kuuffiinik iluarsaaqqiinerit	17.000.000	17,0	17,0	17,0
12.1 Akileraarutit ilanngaatillu kommuneqatigiinnut nalimmassaatit	-4.932.000	-4,9	-4,9	-4,9
Ukioq missingersersuusiorfik 2005 kommuninut tapiissutit isuma.	798.130.000	806,7	812,7	812,0
<u>Kingusinnerusukkut isumaqatigiinniutigineqarsinnaasut:</u>				
11 Nalimmassaatit, ikiorsiissutit (bruttoficering)	3.500.000	3,5	3,5	3,5
12.2 Akinik assigiikkunnaarsitsineq	-8.334.000	-7,0	-6,1	-5,1
13. Ikuallattoornissamut sillimaniarneq	0	7,3	7,3	7,3
14. Eqqakkat pillugit iliuusissatut pilersaarut	0	8,6	7,7	7,7
8. Meeqqat inuusuttullu angajoqqaarsiaqartinneqartarnerat pillugu peqq.	0	-3,5	0,0	0,0
8. Meeqqat inuusuttullu pillugit peqqusummik malittarinninneq	0	-3,1	-1,2	-1,2
17. Pisortat nalinginnaasumik pingaarnersiueqqinnerat	0	-25,0	-50,0	-75,0

Ilanngussaq 1. Ukioq missingersersuusiorfik 2006 kommuninut tapiissutit pillugit isumaqatigiissutit ilaat

	Isumaqatigiissut			
	2006	2007	2008	2009
2005 isumaqatigiissutit aallaavigalugit tapiissutit	796.370.000	796,4	796,4	796,4
1. P/L- nalimmassaatit	12.344.000	12,4	12,4	12,4
2. Nalinginnaasumik sipaarutit	-12.950.000	-38,8	-64,7	-77,7
3. Akileraarutininik qitiusumiit aqutsilerneq	0	0,0	0,0	0,0
4.1 2003-2004 siusinaarluni pensionisianik nalimmassaatit	1.598.000	0,0	0,0	0,0
4.2, Siusinaarluni pensionisianik nalimmassaatit,50/50-aaqqiineq, 2006	5.900.000	9,2	12,3	15,2
4.3 2004 ineqarnermut tapiissutinik nalimmassatit	-6.190.000	0,0	0,0	0,0
4.4 2006 ineqarnermut tapiissutinik nalimmassatit	-6.000.000	-6,0	-6,0	-6,0
5. Atuarfimmi akuunerulersitsiniarneq	838.000	0,8	0,8	0,8
6. Atuarfitsialak	-200.000	0,3	-6,3	-6,3
7. Immikkut ittumik annertusisamik atuartitsineq	0	0,0	0,0	0,0
8.1 Meeqqat inuusuttullu Ulloq unnuarlu angerlarsimaffii -2004	-8.500.000	0,0	0,0	0,0
8.2 Meeqqat inuusuttullu Ulloq unnuarlu angerlarsimaffii - 2006	-2.659.000	-2,7	-2,7	-2,7
9. Meeqqat inuusuttullu angajoqqaarsiaqartinneqartarnerat pillugit	-7.087.000	-3,3	-3,3	-3,3
10. Erngup aqq. Nunagissaanermullu nukissiorfiit aningaasartuutaat	0	0,0	0,0	0,0
11. Atuarfiit illutaasaa sillimaserneqarnissaannik pisussaaffik	1.060.000	1,1	1,1	1,1
12. Ilinniartunik suliffimmik misiliisunik sillimasiinermik pisussaaffik	100.000	0,1	0,1	0,1
13. Inunnik isumaginninnermik – peqqissaanermillu ikiortitut ilinniartut akissarsiaat kiisalu peqqissaasut- isumaginnittullu ilinniartuunersuutaat	-3.213.000	-3,2	-3,2	-3,2
14. Anartarfiit kuuffiillu aqputaannik iluarsartuussinerit pillugit		0,0	0,0	0,0
15. Akinik assigiikkunnaarsitsinerit pillugit nalimmassaatit	1.796.000	3,4	4,5	5,7
16. TELE'p ATTAT-mut akitsuineranut	2.224.000	2,2	2,2	2,2
Kommunimut tapiissutit nutartikkat	775.431.000	771,9	743,7	734,7

Ilangussaq 1. Ukiumut 2007-imut naatsorsuiffiusumut kommuninut ataatsimut tapiissutit immikkoortui pillugit isumaqatigiissutit

	Isumaqatigiissut			
	ut			
	2007	2008	2009	2010
2006 isumaqatigiissutit aallaavigalugit tapiissutit	776.485.000	776,5	776,5	776,5
1. P/L-nalimmassaatit	18.170.000	18,2	18,2	18,2
2. Sipaarutit nalinginnaasut	-26.500.000	-52,4	-65,4	-65,4
3a. Akileraartarnermut tunngasut qitiusumut eqiterunneqarneri / ingerlatsineq	-26.300.000	-26,3	-26,3	-26,3
3b. Akileraartarnermut tunngasut qitiusumut eqiterunneqarneri /	8.400.000	8,4	8,4	8,4
4. Ingerlatseqatigiiffiit akileraarutaannik appaaneq	0	14,5	14,5	14,5
5.1 Siusinaarluni pensionisiaqarneq pillugu nalimmassaaneq	18.346.000	18,3	18,3	18,3
5.2 Ineqarnermut tapiissutinut nalimmassaaneq	495.000	0,0	0,0	0,0
6 Atuarfitsialak	500.000	-2,6	-5,0	0,0
8. Meeqqat atuarfiinut sillimmasiisussaataaneq	1.382.000	0,7	0,7	0,7
9. Meeqqanut inuusuttunullu ulloq unnuarlu najugaqarfii	4.619.000	4,6	4,6	4,6
10. Suliffissaarunnersiutit pillugit inatsisartut peqqussutaat – iliuusissatut pilersaarusionermit allaffissornikkut aningaasartuutit	700.000	0,7	0,7	0,7
11. Pisortanit ikiorsiissarneq pillugu inatsisartut peqqussutaat – iliuusissatut pilersaarusionermit allaffissornikkut aningaasartuutit	700.000	0,7	0,7	0,7
12 Suliffeqarfinnut nakkutilliiviup inatsisitigut sukaterinerata kinguneranik kommunit aningaasartuutaasa qaffariarneri	3.000.000	3,0	3,0	3,0
13. Assigiimmik akeqartitsineq pillugu aaqqissuusseqqinnerup kinguneranik nalimmassaaqqinneq	1.604.000	4,5	5,7	5,7
14. Suliffissaarunnersiutit	2.300.000	2,3	2,3	2,3
Kommuninut tapiissutit ataatsimootut nutaat	783.901.000	771,1	756,9	761,9

Apeqqu 25)

Siunnersuummi § 19, imm. 1, ilaatigut nunatta avataani ukiumut qaammatit pingasut angullugit feeriarnermi pensionit tunniunneqartarnerinut tunngasoq, kommunit nakkutilliinissaminut periarfissaqanngimmata tamanna kommunit qanoq aqussinnaaneraat paasissutissiisutigineqarnissaa kissaatigineqarpoq. § 16 malillugu soraarnerussutisiallit paasissutissiinissaminut pisussaaffeqarlutik ilisimalluinnaraluarlugu soraarnerussutisiallit feeriarnerissaminut pilersaarutiminnik assigisaannillu kommuniminnut qaqutigunnaq paasissutissiisarput, taamaattumik peqqussutip eqqortinneqarnissaa qanoq annertutigisumik ilisimaneqartiginersoq taamungaannarneqartarpoq.

Akissut 25)

Iluoorpoq sivisuumik feeriarnermut tunngatillugu aalajangersimasumik najugaqartussaataitanermit piumasaqaatip, kommuninit nakkutigineqarnissaa ajornakusoortarsinnaasoq.

Kommuni allamik ilioriansinnaangilaq, aalajangersakkamik erseqqissaanissamut kiisalu utoqqalinersialik isumaginninnikkut peqquserlunnginnera pissutigalugu isumakkeerfigiinnartariaqassavaa.

Apeqqu 26)

Siunnersuutip 1. juli 2007-imi atuutilersinneqarnissaa siunnersuutigineqarpoq. Kommunit kalaallisut danskisullu ilitersuutinik tigusaqareersimanissaannut Ilaqutariinnermut Pisortaqaarfik qanoq piffissaliussaqaarpa?

Apeqqu 27)

Siunnersuummi § 8, imm. 4 malillugu utoqqalinersiat annertussusissaat, isertitat nalimmassarneqartarnerat pillugu maleruagassanik Naalakkersuisut aalajangersaasussaapput. Maleruagassat taakku qaqugu aalajangersaavigineqassappat?

Apeqqu 28)

Siunnersuut § 13, imm. 2 malillugu meeqqanut tapit pillugit maleruagassanik Naalakkersuisut aalajangersaasussaapput. Maleruagassat taakku qaqugu aalajangersaavigineqassappat?

Apeqqu 29)

Siunnersuut § 14, imm. 5 malillugu inummut tapit pillugit maleruagassanik Naalakkersuisut aalajangersaasussaapput. Maleruagassat taakku qaqugu aalajangersaavigineqassappat?

Apeqqu 30)

Siunnersuut § 23 malillugu kommuninit naatsorsuutinik tunniussisussaataitanerat kukkunersiuisarnerlu pillugit maleruagassanik Naalakkersuisut aalajangersaasussaapput. Maleruagassat taakku qaqugu aalajangersaavigineqassappat?

Apeqqu 31)

Siunnersuut § 24, imm. 2 malillugu nalunaarutip imarisaa ilusaalu pillugit maleruagassanik Naalakkersuisut aalajangersaasussaapput. Maleruagassat taakku qaqugu aalajangersaavigineqassappat?

Akissutit 26, 27, 28, 29, 30 aamma 31)

Ilaqutariinnermut pisortaqaarfiup kalaallisut danskisullu ilitersuutinik piareersimatitsinissaaq, kiisalu isertitanut nalimmassaanermit, meeqqat tapiinut, inummut tapinut, kommuninit naatsorsuutinik kukkunersiuinermullu, kiisalu utoqqalinersiallit pillugit naatsorsueqqiissarnermit paasissutissat pillugit kommuninit

nassitsisussaatitaanerat pillugu nalunaarusiornissaq anguniagarivaa, 1. juli 2007
tikillugu peqqussummik atuutilersitsiffissatut siunnersuutigineqartoq.

Inussiarnersumik inuulluaqqusillunga

Aleqa Hammond